



REPUBLIKA E SHQIPËRISË

PROKURORIA PRANË GJYKATËS SË APELIT SHKODËR



ANALIZA VJETORE E VITIT 2017

Hyrje.....	fq.2
I. Volumi.....	fq.4
II. Mbi dinamiken, gjendjen dhe drejtimet e kriminalitetit, sipas çështjeve të shqyrtuara nga Gjykata e Apelit me pjesëmarrjen tonë.....	fq.5
III. Mbi masat e sigurimit.....	fq.12
IV. Politika e dënimit.....	fq.14
V. Bashkëpunimi me Prokuroritë.....	fq.15
VI. Bashkëpunimi me Ministrinë e Drejtësisë.....	fq.16
VII. Bashkëpunimi me Gjykatën e Apelit Shkodër.....	fq.16
VIII. Marrëdhëniet me median dhe publikun.....	fq.16
IX. Informacion mbi administratën e Prokuroriaë.....	fq.16
X. Raporti financiar.....	fq.17
XI. Të dhëna statistikore për secilin Prokuror.....	fq.19
XII. Në vend të mbylljes.....	fq.24

HYRJE

Prokuroria pranë Gjykatës së Apelit Shkodër, parashtron në këtë raport, funksionimin e saj sipas Kushtetutës dhe ligjeve, në ushtrimin e ndjekjes penale, përfaqësimin e akuzës, ekzekutimin e vendimeve gjyqësore si dhe funksione të tjera të ngarkuara me ligje të posaçme.

Në ushtrimin e funksioneve të saj kjo prokurori ka pasur gjithmonë parasysh respektimin e Kushtetutës, marrëveshjeve ndërkombëtare, ligjeve në fuqi, respektimin e marrëdhënieve ndërinstitucionale, duke respektuar etikën, të drejtat e njeriut, duke i vënë vetes përparësi dhe objektiva, duke u angazhuar në kryerjen me sa më efikasitet të funksioneve të saj.

Kryesisht prokurorët e kësaj prokurorie, në përsosjen e njohurive dhe dijeve të tyre, janë treguar vazhdimisht të angazhuar në pjesmarrjen në trajnimin vazhdues, program ky i mundësuar nga Shkolla e Magjistraturës.

Prokuroria e Apelit Shkodër, e shtrin funksionin e saj në qarkun e Shkodrës, në qarkun e Lezhës dhe në qarkun e Kukësit. Sipas organizimit administrativ të këtyre qarqeve, në të përfshihen Prokuroria e Rrethit Gjyqësor Shkodër, Prokuroria e Rrethit Gjyqësor Lezhë, Prokuroria e Rrethit Gjyqësor Kukës, Prokuroria e Rrethit Gjyqësor Pukë dhe Prokuroria e Rrethit Gjyqësor Tropojë .

Duke qenë tre qarqe të mëdha, puna e përballuar në vitin 2017 nga kjo Prokurori, është një punë voluminoze.

Analiza vjetore e vitit 2017, prezanton në mënyrë të hollësishme këtë punë, duke iu referuar çështjeve në gjykim ashtu edhe në atë të masave të sigurimit, çështjeve administrative-penale si dhe ekzekutimeve të menjëhershme .

Gjatë vitit 2017, Prokuroria e Apelit Shkodër, ka përfaqësuar organin e akuzës në Gjykatën e Apelit Shkodër një shumëllojshmëri çështjesh.

Disa prej çështjeve penale të regjistruara për gjykim në vitin 2017, nuk kanë arritur të përfundohen në kohë. Kjo derivon si rezultat i kompleksitetit që mbartin çështjet, në gjykim. Megjithatë kjo prokurori dhe stafi i saj, me mbështetjen e strukturave përkatëse, është e angazhuar që të mos mungojë në asnjë seancë gjyqësore për të arritur rezultate sa më të shpejta dhe efektive në gjykimin e çështjeve penale, vënien para përgjegjësisë së autorëve të veprave penale, në pjesmarrjen denjësisht nëpër gjykime dhe në ekzekutimin efektiv dhe sa më të shpejtë të vendimeve.

Objektet që kanë cënuar veprat penale të ndodhura në tre qarqet, kanë qenë të ndryshme si prona, jeta dhe shëndeti, liria, morali, dinjiteti, liria seksuale, të karakterit financiar, familja, fëmijët, në fushën e doganave. Gjithashtu është konstatuar se veprat penale kanë pasur si subjekte aktive qoftë madhorë (meshkuj dhe femra) ashtu edhe të mitur.

Gjatë këtij viti pune, prokurorët janë angazhuar në rritjen e efikasitetit dhe faktorëve profesionalë. Janë angazhuar në trajnime, në studimin e çështjeve të ardhura për gjykim mbi ankimin e të pandehurve dhe Prokurorëve përkatës. Nga ana e Prokurorëve, me ndershmëri dhe seriozitet, janë perfaqësuar akuzat e drejta e të bazuara në prova, të cilët kanë treguar etikë të lartë morale dhe profesionale si dhe kryerjen e punës me përkushtim dhe ndërgjegje, duke u respektuar të drejtat e njeriut.

Gjatë ushtrimit të funksionit, janë mbajtur parasysh urdhërat e Prokurorisë së Përgjithshme, veçanërisht në rastin e kryerjes së veprave penale të një kategorie të veçantë duke përmendur ato në lidhje me lëndët narkotike, krimet kundër jetës, veprat penale që lidhen me korrupsionin etj...

Në zbatim të urdhërit të Prokurorit të Përgjithshëm, janë mbledhjet me prokurorët duke u diskutuar çështje të ndryshme, si në lidhje me procedimet penale ashtu edhe në marrëdhënie me prokuroritë përkatëse .


VOLUMI

Në vitin 2017 është përballuar një volum pune i konsiderueshëm. Më poshtë do të paraqesim tërësinë e çështjeve penale të përfaqësuar në gjykim nga kjo prokurori si dhe vendimet që janë marrë nga Gjykata e Apelit. Gjatë evidentimit të treguesve si më sipër, do të evidentojmë edhe problematikën e hasur, rezultatet e arritura dhe krahasimin me vitet e mëparshme.

Në vitin 2017 Prokuroria e Apelit Shkodër ka përballuar një ngarkesë pune me **1110 çështje penale, me 1308 të pandehur**.

Volumi i punës për vitin 2017

Çështje penale Themeli	731
Masa Sigurimi	379
Administrative penale	275
Gjithsej	1385




Rregjistrimet e çështjeve penale kanë pasur si bazë ankimet e bëra nga Prokurorët si dhe të pandehurit ndaj vendimeve të Gjykatave të Shkallës së Parë, nga institucionet e ndryshme DRSSH apo në çështje të ankimuar kryesisht nga prokurorët.

Përsa më poshtë rëndisim çështjet e perfaqësuara në gjykim nga subjekte të ndryshëm:

Në 13 (trembëdhjetë) çështje penale) prokurori nuk ka marrë pjesë pavarësisht se janë të pasqyruara në regjistrat tonë, për shkak të rakordimit me regjistrat e Gjykatës së Apelit Shkodër.

- **379 masa sigurimi personal me 400 të pandehur.**



-
- 131 çështje, janë shqyrtuar mbi ankimin e Prokurorit.
- 268 çështje janë shqyrtuar mbi ankimin e të pandehurve.

Në vitin 2017 rezulton se ka një ulje të numrit të çështjeve konkretisht 283 çështje më pak me objekt masa të sigurimit personal, në krahasim nga viti 2016, (662 çështje).

Mbi dinamiken, gjëndjen dhe drejtimit e kriminalitetit sipas çështjeve të shqyrtuara nga Gjykata e Apelit me pjesëmarrjen tonë.

- Çështje penale të përfaqësuar në gjyq ne Gjykatën e Apelit Shkoder janë gjithsej **731**, me **908** të pandehur e 256 të arrestuar.
- *Vepra penale kundër personit, jetës dhe shëndetit*” (Neni 76 – 91 të Kodit Penal) **41** çështje,

- ***Krahasuar me një vit më parë, numri çështjeve është rritur me 4 çështje pasi ne vitin 2016 numri i këtyre çështjeve ishte 37 .***
- ***Vepra penale të trafikimit të paligjshëm” (Neni 114, 141/a, 283, 284 të Kodit Penal) 70 çështje.***
- ***Vendin kryesor e zënë veprat penale të parashikuara nga neni 283 dhe 284 të K.Penal, përkatësisht me 53 dhe 16 çështje.*** Ka patur një rritje të këtyre çështjeve ne krahasim me vitin 2016 që ka patur përkatësisht 23 dhe 20 çështje.
- ***“Vepra penale të dhunës në familje” (Neni 130/a i K.Penal) 45 çështje. Krahasuar me një vit më parë, numri çështjeve për vitin 2016 ishte 49 çështje, pra me 4 çështje më pak.***
- ***“Vepra penale kundër pasurisë dhe sferës ekonomike” (Neni 134 – 143 të Kodit Penal) 131 çështje, (ku 78 çështje janë për veprën penale të parashikuar nga neni 137 i K.Penal).***
- ***Krahasuar me një vit më parë, numri çështjeve të gjykuara për vitin 2016 ishte 91 çështje, pra me 40 çështje më shumë. Ka një rritje të numrit të çështjeve për veprën penale të parashikuar nga neni 137 të K.Penal, e konkretisht vitin e kaluar kanë qënë 65 çështje, ndërsa këtë vit kanë qënë 78 çështje të tilla.***
- ***Veprat penale të parashikuara nga neni 197 dhe 199/a, 39 çështje, Krahasuar me një vit më parë, numri çështjeve për vitin 2016 ishte 32 çështje, pra me 7 çështje më shumë .***
- ***“Vepra penale kundër autoritetit shtetëror” (neni) 37 çështje, 278/2,3,4 dhe 279 i Kodit Penal 10 çështje(neni 248, 258, 259 i Kodit Penal) 23 çështje, neni 290 i Kodit Penal 108 çështje neni 291 i K.Penal Gjithsej 178 çështje.***
- ***Krahasuar me një vit më parë, numri çështjeve të gjykuara për vitin 2016 ishte 167 çështje, pra me një rritje prej 11 çështjesh më shumë.***

- *Gjithashtu* është rritur numri i çështjeve kryesisht veprat penale të “Drejtimit të mjetit në mënyrë të parregullt, konkretisht me 17 çështje.
- *Është rritur dhe numri i çështjeve për veprën penale “Ndertim i paligjshëm”konkretisht 34 çështje nga 4 çështje që ishin në vitin 2016*
- Vepra penale të tjera.....165 çështje

Duke krahasuar dinamiken e veprave penale për vitin 2017, në raport me ato të vitit 2016, konstatohet se:

- Kemi një rritje të veprave penale në fushën e krimit për veprat penale të trafikimit të paligjshëm, e konkretisht neni 283, 284 të K.Penal.
- Kemi një rritje të veprave penale në fushën e drejtimit të automjetit në mënyrë të parregullt 291 të K.Penal.
- Kemi një rritje për vepra penale kundër pasurisë dhe sferës ekonomike.
- Kemi të njëjtin nivel të gjyqimit të veprave penale të shpërdorimit të detyrës.
- Në vitin 2016 janë shqyrtuar 21 çështje për veprën penale të vrasjes; ndërsa për vitin që po analizojmë, rezultojnë 27 çështje penale me këtë objekt, pra një rritje prej 6 çështjesh nga viti i kaluar.

Lidhur me çështjet administrative-penale, konstatojmë se ka një rritje të gjyqimit të çështjeve me këtë objekt, ku vitin e kaluar kanë qënë gjithsej 188, ndërsa për vitin që analizojmë janë gjykuar 275 çështje, ku edhe në këtë drejtim të rritjes së numrit të çështjeve, vendin kryesor e zënë ankimet e DRSSH Shkodër (25 çështje) kundër vendimit të pushimit ose mosfillimit të Prokurorit, pra numri i tyre ka ardhur duke u rritur.

Të ndara sipas rretheve, apelet për çështjet e themelit janë të shpërndara në këtë mënyrë:

Prokuroria e Rrethit Shkodër :


Me 488 çështje ose rreth 67% të numrit të përgjithshëm të çështjeve të shqyrtuara në apel, me 578 të pandehur, nga të cilët 115 të arrestuar.

Nga këto, **354 çështje** kanë ardhur mbi apelin e Prokurorit; janë përkrahur nga Prokurori **84 apele** dhe është hequr dorë në 199 prej tyre pasi shume prej çështjeve janë për veprat penale 291,137 dhe 145 te Kodit Penal.

Gjykata e Apelit ka pranuar apelin e Prokurorit në 18 raste ndërsa në 48 raste ka lënë në fuqi vendimin e Gjykatës së Shkallës së Parë, 15 raste lehtësu pozitën dhe në 3 raste prishje e vendimit dhe pushim i çështjes.


Në **199 çështje** është hequr dore nga ankimi dhe Gjykata ka vendosur mospranim ankimi.

Ndaj këtyre vendimeve janë ushtruar **31 rekurse** në Gjykatën e Larte ndaj vendimeve të Gjykatës së Apelit.



Prokuroria e Rrethit Lezhë:

Me **143 çështje**, ose 20% të numrit të përgjithshëm të çështjeve të shqyrtuara në apel, me 182 të pandehur, nga të cilët 83 të arrestuar.



Nga këto çështje, mbi apelin e Prokurorit janë shqyrtuar **38 çështje**, nga të cilat është hequr dorë në 5 prej tyre.

Gjykata e Apelit ka pranuar apelin e Prokurorit në 4 raste ndërsa në 13 raste ka vendosur sipas vendimit të Gjykatës së Shkallës së Parë ,4 raste lehtesim pozite dhe 1 rast prishje e vendimit dhe pushim i çështjes. Ne 5 raste është hequr dore nga ankimi dhe Gjykata ka vendosur mospranim ankimi.


Ndaj këtyre vendimeve janë ushtruar 11 rekurse ne Gjykatën e Lartë ndaj vendimeve të Gjykates se Apelit.

Prokuroria e Rrethit Kukës:

Me **43 çështje** ose rreth 6 % e totalit, me 85 të pandehur, nga të cilët 29 të arrestuar.

Nga këto çështje, mbi apelin e Prokurorit janë shqyrtuar 16 çështje; është përkrahur apeli në 5 raste. Gjykata e Apelit ka pranuar apelin e Prokurorit në 2 raste, ndërsa në 3 raste ka lene në fuqi vendimin e Gjykatës së Shkallës së Parë.

Ndaj këtyre vendimeve janë ushtruar 5 rekurse në Gjykatën e Lartë ndaj vendimeve të Gjykatës së Apelit.




Prokuroria e Rrethit Pukë :

Me **42 çështje** ose rreth 6 % të totalit, me **47** të pandehur, nga të cilët **25** të arrestuar.

Nga këto çështje, mbi apelin e Prokurorit janë shqyrtuar **17 çështje**; është përkrahur apeli në 11 raste, është hequr dorë nga apeli i Prokurorit në 4 raste. Gjykata e Apelit në 4 raste ka pranuar apelin e Prokurorit . Ka lënë në fuqi 5 raste ndërsa në 2 raste prishje e vendimit dhe pushim i çështjes.

Ndaj ketyre vendimeve janë ushtruar 6 rekurse në Gjykatën e Lartë ndaj vendimeve të Gjykatës së Apelit.




Prokuroria e Rrethit Tropojë :

Me **15 çështje**, ose rreth 2% të numrit total të çështjeve, me **15** të pandehur, nga të cilët **4** të arrestuar.

Nga këto çështje, mbi apelin e Prokurorit janë shqyrtuar **3 çështje** . Gjykata e Apelit ka pranuar apelin e Prokurorit në 1 rast, ndërsa në 2 raste ka vendosur lënien në fuqi të vendimit të Gjykatës së Shkallës së Parë.

Ndaj këtyre vendimeve është ushtruar 1 rekurs në Gjykatën e Lartë .



Rastet e heqjes dorë nga ankimi,

Nga ana e Prokurorëve të Apelit, është hequr dore nga ankimi në 212 raste. Heqja dore nga ankimi ka qënë kryesisht lidhur me aplikimin e Nenit 59 të K.Penal, për veprat penale të parashikuar nga neni 291 i K.Penal, për veprat penale të parashikuar nga neni 137/1 i K.Penal.

Ne lidhje me heqjen dore nga ankimi është marre parasysh ankimi i Prokurorëve të cilet

kane ushtruar ankim lidhur me masen e denimit kryesisht per vepren penale *Mashtrime me sigurimet nenin 145 te K.Penal*. Prokuroret ne ankimin e tyre kane kundërshtuar aplikimin e nenit 59 te K.Penal dhe ne lidhje me deklarimin fajtores te te pandehurve kane qenë dakort me vendimin e Gjykatës se Rrethit Gjyqësore .

Nga ana e Prokurorëve të Apelit është konstatuar se te pandehurit vazhdojnë te shlyej detyrimet lidhur me pensionin qe kane perfituar ne menyre te paligjshme dhe masa e denimit e dhene nga Gjykatat e Rrethit Gjyqësore, ka qenë më e rende nga ajo që ka kërkuar nga prokurori ne ankimin e tij

Ne keto rrethana kur vendimi i Gjykatës, nuk ka cënuar llojin dhe masën e denimit fajësine e të pandehurve dhe në kushte kur realizon qëllimin per të cilin ai eshte dhëne, duke i vene te pandehurit ne sherbimin e proves , nga ana e prokurorëve te Apelit eshte parë me vend aplikimi i neni 59 i K.Penal .

Ankime ndaj vendimeve të Gjykatës së Faktit të ushtruar nga të pandehurit:

Rezulton se mbi ankimin e të pandehurve janë shqyrtuar në Gjykatën e Apelit Shkodër 457 çështje.

Kërkesat e Prokurorisë, për çështjet e shqyrtuara në Gjykatën e Apelit, kanë qenë si më poshtë:

- Në 9 raste është kërkuar prishje e vendimit dhe kthim i çështjes për rigjykim në Gjykatën e Faktit. Gjykata e Apelit ka pranuar kërkesën tonë ne 4 raste, ndërsa në 5 çështje ka vendosur lënien në fuqi të vendimit.
- Në 94 raste është kërkuar nga ana jonë prishje e vendimit dhe pushim i çështjes dhe Gjykata e Apelit ka pranuar kërkesën për 94 raste.
- Në 43 raste është kërkuar lehtësimi i pozitës së të pandehurit. Gjykata e Apelit ka vendosur sipas kërkesës tonë për 24 raste, ndërsa në 5 raste është vendosur lënie në fuqi e vendimit nga kjo Gjykatë dhe në 14 raste ka vendosur prishje pushim të çështjes.
- Në 248 raste, nga ana jonë është kërkuar lënie në fuqi e vendimit të Gjykatës së Shkallës së Parë, nga të cilat Gjykata e Apelit ka vendosur në 179 raste lënie në fuqi të vendimit (ose rreth 72 % te rasteve).
- Në 60 raste është vendosur ndryshimi i vendimit (lehtësimi i pozitës së të pandehurve, pra rreth 24 % e rasteve). Në 7 raste është vendosur prishje e

vendimit dhe pushim i çështjes ose 3 % e kërkesave dhe në 2 të tjera është vendosur prishje e vendimit dhe kthim i akteve për rigjykim.

Në 125 raste nga ana jonë është kërkuar ndryshimi i vendimit (rëndimi i pozitës së të pandehurve), nga të cilat Gjykata e Apelit ka vendosur në 71 raste lënie në fuqi të vendimit. Në 29 raste ka ndryshuar vendimin, duke rënduar poziten e të pandehurve, në 19 raste ka vendosur ndryshimin e vendimit (lehtësimin e pozitës së të pandehurve), në 6 raste ka vendosur prishje e pushim të çështjes.

Theksojmë se nga 73 apele të Prokurorit të shqyrtuara në Gjykatën e Apelit për pafajësi ose pushim çështje, ku një pjesë të madhe të këtyre e zënë vendimet e ankimura nga prokurorët ndaj vendimeve të Gjykatës së Faktit për të pandehurit të deklaruar të pafajshëm, ka qënë kryesisht për veprat penale të parashikuara nga neni 137 të K.Penal, konkretisht 15 çështje i përkasin kësaj dispozite (ose 20% e tyre), Në 3 raste është vendosur pranimi i apelit të Prokurorit duke u deklaruar fajtor dhe dënuar të pandehurit për kryerjen e kësaj vepre penale.

Në total, mbi apelin e Prokurorit, Gjykata e Apelit Shkodër, ka deklaruar fajtor dhe dënuar sipas akuzave, të pandehurit në 39 çështje (ose 53%) të tyre.

Në 29 prej tyre është pranuar apeli i Prokurorit, duke vendosur deklarimin fajtor dhe dënimin e të pandehurve sipas akuzave. Në 3 raste nga këto apele, është vendosur prishje e vendimit dhe pushimi i çështjes (për shkak të përfitimit nga ligji për amnistinë). Lidhur me 1 pafajësi, është vendosur prishje e vendimit dhe kthim i çështjes për rigjykim.

Të ndara sipas rretheve, vendimet me të cilat janë deklaruar fajtorë të pandehurit në Gjykatën e Apelit janë: 48 çështje të Prokurorisë së Rrethit Shkodër, 11 çështje të Prokurorisë së Rrethit Lezhë, 5 çështje të Prokurorisë së Rrethit Kukës , 6 çështje e Prokurorisë së Rrethit Pukë dhe 3 çështje Prokurorisë së Rrethit Tropojë.

Nga këto, 2 çështje për vepër penale të rëndë (për nenin 78 të Kodit Penal), 2 çështje për nenin 278; 1 çështje për 186 të K.Penal, 1 çështje për nenin 84 të K.Penal, 1 çështje për nenin 205 të K.Penal, 1 çështje për nenin 135 të K.Penal, 2 çështje për nenin 199/a/2 të K.Penal, 2 çështje për nenin 278 , 15 çështje për nenin 137 të K.Penal, 6 çështje për nenin 145, 1 çështje për nenin 172, 4 çështje për nenin 134, 2 çështje për nenin 130, 1 çështje për

nenin 120, 1 çështje për nenin 99, 1 çështje për nenin 89, 8 çështje për nenin 180, 1 çështje për nenin 200, 2 çështje për nenin 237, 1 çështje për nenin 248, 3 çështje për nenin 277, 7 çështje për nenin 283, 1 çështje për nenin 284, 1 çështje për nenin 289, 2 çështje për nenin 290, 4 çështje për nenin 291 dhe 1 çështje për nenin 301.

Mbi masat e sigurimit.

Krahas përgatitjes dhe përfaqësimit në gjykim të çështjeve të themelit, një kujdes të veçantë i kemi kushtuar pjesëmarrjes dhe përfundimit të çështjeve me objekt caktimin e masave të sigurimit.

Për periudhën objekt analize, nga Gjykata e Apelit janë shqyrtuar gjithsej dhe përfaqësuar në Gjykatën e Apelit 379 çështje, me 400 të pandehur, nga të cilat 131 mbi apelin e Prokurorit dhe 268 shqyrtuar mbi apelin e të pandehurve.

Nga çështjet me objekt shqyrtimin e masave të sigurimit (apel të të pandehurve dhe apel të Prokurorit) janë pranuar 399 kërkesa, ndërsa në 38 raste, është hequr dorë nga ankimi i Prokurorit, për shkak të pabazueshmërisë së ankimit dhe konkretisht disa nga shkaqet për të cilat nga ana jonë është hequr dorë, kanë qënë:

- është shuar masa e sigurimit nga Gjykata e Shkallës së Parë.
- ka përfunduar gjykimi në themel dhe të pandehurit janë dënuar me kusht ose dënim tjetër penal.
- në disa raste është zëvendësuar masa e sigurimit nga Gjykata e Shkallës së Parë por, shumica e heqjes dorë nga ankimi ka qënë për arsye se ndërkohë që gjykohej çështja në Apel, kishte përfunduar afati i masës së sigurimit të caktuar nga Gjykata e Shkallës së Parë si dhe rastet kur ishte caktuar masë tjetër siguri, dhe nga ana e Prokurorit ishte ankimuar përsëri ky vendim.

Të ndara sipas rretheve, apelet ndaj masave të sigurimit ndahen:

Prokuroria e Rrethit Gjyqësor Shkodër ka ushtruar 294 apele:


është hequr dorë nga apeli i Prokurorit në **32 prej tyre**, Gjykata ka vendosur mospranim ankimi.

Prokuroria e Rrethit Gjyqësor Lezhë ka apeluar 53 vendime për caktim mase sigurimi; është hequr dorë nga apeli i Prokurorit në **2 prej tyre**, Gjykata ka vendosur mospranim ankimi.

Prokuroria e Rrethit Gjyqësor Kukës ka ushtruar 27 apele, ku është hequr dorë vetëm në një rast.

Prokuroria e Rrethit Gjyqësor Pukë ka ushtruar 21 apele, është hequr dorë nga apeli i Prokurorit në **2 prej tyre**.

Prokuroria e Rrethit Gjyqësor Tropojë ka ushtruar 4 apele kundër vendimit të caktimit të masës së sigurisë, ku është hequr dorë vetëm në një rast.



Ndaj ketyre vendimeve janë ushtruar 23 rekurse në Gjykatën e Lartë ndaj vendimeve të Gjykatës së Apelit.

Duke parë të dhënat që rezultojnë nga shqyrtimi në Gjykatën e Apelit të çështjeve me objekt vlerësim e caktim masë sigurimi, mbeten me përhapje të gjerë veprat penale të dhunës në familje (24), vepra penale kundër pronës (34), mbajtja e lëndëve narkotike apo kultivimi i bimëve narkotike (85), drejtimi i automjetit në mënyre të parregullt (21), vjedhja e energjisë elektrike (10), mbajtja pa leje e armëve luftarake (34), kundërshtimi i punonjësve të policisë (7) si dhe shkelja e rregullave të qarkullimit rrugor (16).

POLITIKA E DËNIMIT:

Për veprat penale të cilat karakterizohen, si nga numri i madh i regjistrimit të procedimeve penale për to, ashtu edhe nga specifika që paraqesin, është ndjekur në përgjithësi kjo politikë duke mbështetur në përgjithësi qëndrimin tonë ligjor, ku është bërë kujdes i veçantë nga ana jonë, zbatimi i një politike të drejtë dënimi, në funksion të një lufte efektive ndaj kriminalitetit aktual si dhe parandalimit të tij.

Nëpërmjet kërkesave tona objektive e të argumentuara, jemi përpjekur për ti imponuar kështu Gjykatës së Apelit të japë lloje dhe masa dënimi, në përputhje me kriteret ligjore dhe gjëndjen e kriminalitetit në rrethet dhe zonat, ku ai respektivisht është shfaqur.

Në funksion të idesë që faji të mos shpëtojë pa u dënuar dhe pafajësia të mos vuajë padrejtësisht, jemi përpjekur dhe vazhdojmë të përpiqemi të proçedojmë duke dhënë goditje në drejtim të forcimit të politikës së dënimit, sidomos ndaj veprave penale me rrezikshmëri të theksuar shoqërore si dhe ndaj atyre me përhapje dhe frekuencë të lartë.

BASHKËPUNIMI ME PROKURORITË E TJERA

Bashkëpunimi me Prokuroritë e Rretheve Gjyqesore, ka qënë i vlefshëm. Prokurorët kane qënë të gatshëm dhe të disponueshëm në çdo kohë për diskutimin e ankimeve të bërë nga ana e tyre, kërkesa që kanë të bëjnë me vleftësimin e masave të sigurimit, për lejimin e veprimeve të përgjimit etj...

Marrëdhëniet ndërmjet Prokurorive janë domosdoshmërisht të nevojshme pasi i shërbejnë më së miri zgjidhjes së problematikës së hasur në punën e përditshme, duke kërkuar zgjidhje sipas hierarkisë vertikale të përcaktuar ligjërisht dhe bashkëpunimit me prokuroritë

e rretheve të tjera gjyqësore në koordinimin e çështjeve në gjykim dhe dhënien e informacioneve që mund të nevojiten.

Nga ana e Prokurorisë sonë janë zbatuar urdhërat dhe udhëzimet e dërguara nga Zyra e Prokurorit të Përgjithshëm dhe realisht ky zbatim ka dhënë efekte në të gjithë veprimtarinë e kësaj Prokurorie.

Përsa i përket Prokurorisë së Shkallës së Parë Shkodër, Lezhë, Pukë, Kukës dhe Tropojë kemi pasur kontakte të herëpashershme dhe kjo i ka shërbyer punës në lidhje me kualifikimin, vendimmarrjen, për të dhënë një zgjidhje sa më të drejtë dhe ligjore për rastet.

Janë ndjekur me kujdes të veçantë mënyra e përfundimit të çështjeve të cilat janë ankimuar si nga të pandehurit ashtu edhe nga ana Prokurorëve. Për çdo vendim të Gjykatës së Apelit, menjëherë dhe zyrtarisht nga ana jonë, i është dërguar shkurtimi i vendimit Prokurorisë përkatëse.

Nga ana e Prokurorëve janë dërguar në kohë kopje të ankimeve të bëra, duke bërë të mundur që nga ana e Prokurorëve të Apelit të informohemi në kohë lidhur me qëndrimin e tyre ndaj vendimeve të Gjykatës së Faktit.

Megjithëse tërhiqet vëmendja çdo vit mbetet ende shumë i vogël numri i apeleve kundërshtuese të bëra nga Prokurori, që këtë vit rezulton të jenë paraqitur gjithsej 10 apele kundërshtuese.

Një Apel kundërshtues është paraqitur nga Prokuroria e Rrethit Gjyqësor Shkodër, tre apele kundërshtues nga Prokuroria e Rrethit Gjyqësor Tropoje dhe gjashtë apele kundërshtues Prokuroria e Rrethit Pukë.

Konstatohen ankime të shumta të bëra nga Prokurorët për rritje të masës së dënimit, megjithëse diferenca mes kërkesës së Prokurorit dhe vendimit të Gjykatës është e vogël, mendojmë që ankime të tilla vetëm sa shtojnë artificialisht volumnin e punës. Në lidhje me veprat penale që parashikohen nga neni 291 i K.Penal, mendojmë që këto lloj veprash penale duhet të gjykohen me kërkesë të Prokurorit, me gjykim të drejtpërdrejtë dhe njëkohësisht të bëhet selektimi i tyre.

Për këto lloj veprash penale duhet ankimuar vetëm ato raste që paraqesin rrezikshmëri të madhe për shkak të rrethanave konkrete të konstatimit të veprës penale (përdorimi i alkoolit apo pasojave që kanë ardhur nga kjo vepër).

Gjithashtu është evidentuar shpeshherë edhe nga Gjykata e Apelit, mungesa e dosjeve të vlerësimit dhe caktimit të masës së sigurimit, apo zëvendësimit të këtyre masave, në fashikullin e Prokurorit.

Duke qënë se provat e marra gjatë seancave të vlerësimit të masës konsiderohen si të marra në gjykim, por edhe për shkak të evidentimit të gjyqtarëve që kanë dhënë këto vendime, këto fashikuj është e domosdoshme t'i bashkangjiten fashikullit të gjykimit.

BASHKËPUNIMI ME MINISTRINË E DREJTËSISË

Një bashkëpunim për t'u vlerësuar është edhe me Ministrinë e Drejtësisë si në rastin e informimit të herëpashershëm të materialeve për ekstradim, njohje vendimit penale të huaj, që vihen në dispozicion të organeve të drejtësisë, në krijimin e kushteve të favorshme për bashkëpunim me institucionet e vuajtjes së dënimit apo paraburgimit etj...

Një rol të rëndësishëm në mirëfunksionimin e veprimtarisë së kësaj Prokurorie janë raportet e mira me Drejtorinë e Përgjithshme të Burgjeve përfshirë IEVP- Lezhe si dhe me Policinë e Burgjeve .

BASHKËPUNIMI ME GJYKATEN E APELIT SHKODËR

Bashkëpunimi me gjyqtarët e Gjykatës së Apelit Shkodër, ka qënë i vlefshëm. Gjyqtarët kanë qënë të gatshëm dhe të disponueshëm në çdo kohë për gjykimet në themel, kërkesa që kanë të bëjnë me vlefësimin e masave të sigurimit, për lejimin e veprimeve të përgjimit, etj...

Gjykata ka ruajtur solemnitetin e saj si arbitër mes palëve të barabarta dhe nga ana jonë është respektuar pozicioni i saj. Për zgjidhjet që janë vlerësuar në kundërshtim me kërkesat e prokurorëve është ndjekur rregullisht rruga ligjore, pra janë ushtruar rekurse.

MARRËDHËNIET ME MEDIAN DHE PUBLIKUN

MARRËDHËNIET ME PUBLIKUN

Në lidhje me publikun është për t'u theksuar fakti se nga ana e prokurorëve por edhe e drejtuesit, është mundësuar vazhdimisht pritja me korrektësi e ankesave, shqetësimeve të qytetarëve duke u munduar t'u jepet një zgjidhje sa më e shpejtë, e drejtë dhe ligjore. Natyrisht që parashtrimi i problemeve nga ana e publikut nuk është kufizuar vetëm në një ditë të veçantë pasi stafi ynë gjatë gjithë kohës është në ushtrim të detyrës së tij.

MARRËDHËNIET ME MEDIAN

Brenda kuadrit të ruajtjes së sekretit hetimor por në respektim edhe të të drejtave të qytetarëve për informim, jemi munduar të ruajmë një marrëdhënie sa më korrekte me median, ku çdo informacion, lidhur me publikimin e vendimeve të Gjykatës kemi komunikuar me zëdhënësin për shtyp në Prokurorinë e Përgjithshme. Jemi munduar pa cënuar prezumimin e pafajësisë, të drejtën private si dhe në mbrojtje të të drejtave të të miturve.

Një çështje problematike në raportet me mediat, mbetet pasqyrimi i të dhënave dhe informacioneve të fazës së hetimeve paraprake, të marra nga burime të ndryshme nga prokuroria. Shpesh cënohet parimi se çdo person është i pafajshëm derisa të shprehet gjykata me një vendim fajësie të formës së prerë.

INFORMACION MBI ADMINISTRIMIN E PROKURORISË.

ÇESHTJE TE PERGJITHSHME

Në Prokurorinë e Apelit Shkodër ushtrojnë funksionin 4 prokurorë. Administrata përbëhet nga 5 punonjës. Referuar Ligjit Nr. 97/2016 “Për organizimin dhe funksionimin e Prokurorisë në Republikën e Shqipërisë” neni 18/2 i këtij ligji si dhe shkresës nr. 39 datë 04.01.2018 të Prokurorisë së Përgjithshme mendojmë se në Prokurorinë e Apelit Shkodër numri i Prokurorëve është i mjaftueshëm për të përballuar volumin e punës të pasqyruar në këtë raport.

Ushtrimi i detyrës nga stafi i mësipërm bëhet në godinën e re pranë Prokurorisë së Rrethit Gjyqësor Shkodër. Kushtet në të cilat ushtron funksionet i gjithë stafi i kësaj Prokurorie, specifikisht akomodimi në zyra të mira. Ky është një faktor që ndikon drejtpërdrejt në punën e përditshme.

Me gjithë ngarkesën në punën e përditshme, janë ruajtur marrëdhënie të vazhdueshme me Shkollën e Magjistraturës. Kjo e fundit ka dërguar programet e trajnimeve të cilat janë plotësuar nga prokurorët. Këta të fundit kanë marrë pjesë në kurset e trajnimit të zgjedhura prej tyre e të organizuara në Shkollën e Magjistraturës. Gjithashtu prokurorët kanë marrë pjesë në aktivitete të tjera si sesione trajnimi, tryeza të rumbullakëta, konferenca etj...

Në Prokurorinë e Apelit Shkodër është bërë tashmë i mundur aksesimi në internet, një ndërmarrje që i ndihmon si prokurorët ashtu edhe stafin në azhurnimin me legjislacionin, studimin dhe mbajtjen në koherencë me praktikën gjyqësore apo marrjen e informacioneve nga institucione që i kanë bërë të dhënat e tyre të aksesueshme nëpërmjet internetit.

RAPORTI FINANCIAR

Në Prokurorinë e Apelit Shkodër gjatë vitit 2017 për ushtrimin e veprimtarisë ekonomike – financiare janë çelur fondet:

Buxheti total në masën **13.055.320** lekë, ndërsa të ndarë në zëra paraqitet: në zërin **600**, fondi ka qënë **10.823.320** lekë, në zërin **601** fondi ka qënë **1.512.000** lekë, në zërin **602** ka qënë **720.000** lekë. Janë shpenzuar në total **12.381.308** lekë.

Niveli i shpenzimeve të pasqyruara më sipër janë rakorduar me degën e thesarit Shkodër, çdo muaj, sipas situacionit analitik, të mbajtur sipas standartit të përgatitur nga Ministria e Financave, situacion i cili është përcjellur çdo muaj në Prokurorinë e Përgjithshme.

Sqarojmë se këtë vit fondi në zërin **600** dhe **601**, në ndryshim nga viti i kaluar ka ardhur në rritje pasi është rritur dhe numri i punonjësve me 1 sekretare.

Regjistrat në Prokurorinë e Apelit Shkodër, mbahen në mënyrë të atillë që të rakordojme më regjistrat që disponon Gjykata e Apelit Shkodër. Këto regjistra janë të ndara në:

- 1-Regjistër për çështjet e themelit.
- 2-Regjistër për vleftësim dhe caktim masa sigurimi.
- 3-Regjistër për çështjet administrative.

Në bazë të këtyre regjistrave plotësohen çdo muaj të dhënat statistikore, të cilat përcillen në rrugë elektronike në Prokurorinë e Përgjithshme, një herë në muaj (për çështjet e themelit), si dhe çdo 3 muaj për të gjitha çështjet në total.

Sa i takon sigurisë së institucionit, Prokuroria e Apelit Shkodër ushtron veprimtarinë e saj në godinën e Prokurorisë së Rrethit Gjyqësor Shkodër, e për rrjedhojë dhe tenderi i rojeve zhvillohet nga Prokuroria e Rrethit.

TË DHËNA STATISTIKORE PËR SECILIN PROKUROR

Prokurori Elvin GOKAJ (Drejtuesi i Prokurorisë)

Në muajin Korrik te vitit 2016 është emëruar me detyrë Drejtues pranë Prokurorisë së Apelit Shkodër. Marrëdhëniet me prokuroret dhe stafin administrativ kanë qënë korrekte. Është pasur kujdes si në kontrollin e punës së prokurorëve gjatë përfaqësimit të akuzës në Gjykatë ashtu edhe të prezencës së tyre dhe të administratës gjatë orarit të punës. Për rastet kur janë vërejtur mangësira, është marrë kontakt me personin konkret duke dëgjuar arsyet e sjelljes së tij dhe sipas rastit është këshilluar. Nga ana e Drejtuesit te Prokurorise, eshte nxjerre çdo muaj urdheri i gadishmerise per prokuroret lidhur me perfaqesimin e çeshtjeve ne gjykim me objekt vleftesim dhe caktim mase sigurimi si dhe kerkesa te tjera ne fazen e hetimeve paraprake .

Nga ana drejtuesit është treguar kujdes në shpërndarjen e çështjeve për çdo prokuror, duke u mbajtur parasysh një shpërndarje sa më e drejtë e volumit të punës, sipas objektit të veprave penale që përfshihen në këto çështje. Është patur vazhdimisht parasysh ngarkesa e secilit prej tyre. Ndarja e çështjeve eshte bere kryesisht me short me trupa gjykues per te shmangur perplasjen e orareve te gjykimit dhe per moszvarritjen e gjykimeve. Per çdo muaj eshte perpiluar procesverbali i shortit duke ja bere prezent prokuroreve .

Gjithashtu ka ushtruar 5 rekurse kundër vendimit të Gjykatës se Apelit edhe në ato raste kur nga ana e Prokurorit të çështjes është shprehur mendimi për mosushtrim rekursi. Nga ana e drejtuesit të Prokurorisë është marrë parasysh pavarësia e Prokurorit në gjykim duke mos ndërhyrë në asnjë çështje për zgjidhjen e saj .

Nga Drejtuesi i Prokurorisë në zbatim të detyrimeve ligjore dhe udhëzimit nr 3 datë 29.12.2016 të Prokurorit të Përgjithshëm janë perfaqesuar në gjykim në Gjykatën e Apelit Shkodër këto çështje penale:

- Vendime për çështje themeli.....	154
- Vleftësim për caktim Mase sigurimi.....	72
- Të tjera.. ..	53
- Gjithsej.....	279 çeshtje

Prokurori Elvin GOKAJ ka hequr dorë në 33 çështje prej te cilave:

(Nenet dhe Nr. i çështjeve)

Neni	291	137	145	178	180	134	177
Raste	13	8	6	2	2	1	1

Ndaj vendimeve të Gjykatës së Apelit ka ushtruar rekurs ne Gjykatën e Larte, gjithsej 43 rekurse, nga të cilat 23 rekurse për çështje themeli, 17 rekurse për masa sigurimi dhe 3 rekurse për çështje administrative-penale .

Prokurore Besa Nikëhasani (Prokurore Apeli)

Ushtron funksionin e prokurores në Prokurorisë së Apelit . Puna e saj ka qënë voluminoze pasi ka konsistuar në përfaqesimin e çështjeve në Gjykatë ashtu edhe në kontrollin e dosjeve gjyqësore që ndiqen nga prokurorët të cilët ata kanë nën kontroll. Është treguar e gatshme në kryerjen e konsultave me prokurorët dhe me diskutimin e çështjeve problematike. Marredhëniet me prokuroret e tjerë, stafin administrativ, me drejtuesit e institucioneve të tjera kanë qënë gjithmone korrekte.

Nga ana Prokurores Besa Nikëhasani janë përfaqësuar në gjykim në Gjykatën e Apelit Shkodër këto çështje penale:

- Vendime për çështje themeli147
- Vleftësim për caktim Mase sigurimi 115
- Të tjera 56
- **Gjithsej 318 çështje**

Prokurore Besa Nikëhasani ka hequr dorë në 14 raste çështje prej te cilave:

(Nenet dhe Nr. i çështjeve)

Neni	291	137	242	134	143	199	301	248
Raste	6	2	1	1	1	1	1	1

Ndaj vendimeve të Gjykatës së Apelit ka ushtruar rekurs në Gjykatën e Lartë, 14 rekurse, nga të cilat 7 rekurse për çështje themeli, 6 rekurse për masa sigurimi dhe 1 rekurs për çështje administrative-penale.

Prokurori Brahim Dragjoshi (Prokuror Apeli)

Ushtron funksionin e Prokurorit në Prokurorine e Apelit Shkodër . Puna e tij ka qenë voluminoze pasi ka konsistuar në përfaqesimin e çështjeve të themelit në Gjykate, ashtu edhe në Masat e sigurimit. Është treguar i gatshëm në kryerjen e detyres, duke mos u bërë shkas për shtyerjen e gjyqeve për mungesën e tij. Gjithashtu ka nxjerrë në kohë udhërat e ekzekutimit të menjëhershme duke respektuar të drejtat dhe liritë themelore të njeriut. Marrëdhëniet me prokurorët e tjerë, stafin administrativ, me drejtuesin e institucionit ka qënë gjithmonë korrekte.

Nga ana e Prokurorit Brahim Dragjoshi, janë përfaqesuar në gjykim në Gjykatën e Apelit Shkodër këto çështje penale:

- Vendime për çështje themeli 237
 - Vleftësim për caktim Mase sigurimi 91
 - Të tjera..... 80
- Gjithsej..... 408 çështje**

Prokurori Brahim Dragjoshi ka hequr dorë në 83 çështje çështje prej te cilave:

(Nenet dhe Nr. i çështjeve)

Neni	291	145	137	134	186	183	142	278	180	289	199
Raste	21	14	15	6	2	2	2	2	7	2	1

- **Ndaj vendimeve të Gjykatës së Apelit ka ushtruar rekurs në Gjykatën e Lartë, 20** rekurse, nga të cilat 19 rekurse për çështje themeli dhe 1 rekurs për çështje administrative-penale

Prokurori Arben Dollapaj (Prokuror Apelit)

Ushtron funksionin e Prokurorit në Prokurorinë e Apelit Shkodër. Prokurori Arben Dollapaj është emëruar me detyrën e Prokurorit në Prokurorinë e Apelit Shkodër në muajin Maj të vitit 2016. Gjatë kësaj periudhe ka konsistuar në përfaqësimin e çështjeve të themelit në Gjykatë ashtu edhe në Masat e sigurimit. Është treguar i gatshëm në kryerjen e detyrës, duke mos u bërë shkas për shtyerjen gjyqevë për mungesën e tij. Gjithashtu ka nxjerrë në kohë urdhërat e ekzekutimit të menjëhershme duke respektuar të drejtat dhe liritë themelore të njeriut. Marrëdhëniet me prokuroret e tjerë, stafin administrativ, me drejtuesin e institucionit kanë qënë gjithmonë korrekte.

Nga ana e Prokurorit Arben Dollapaj, janë përfaqësuar në gjykim në Gjykatën e Apelit Shkodër këto çështje penale:

- Vendime për çështje themeli..... 193
- Vleftësim për caktim Masë sigurimi..... 101
- Të tjera..... 73
- **Gjithsej..... 367 çështje**
- **Prokurori Arben Dollapaj** ka hequr dorë në 66 çështje çështje prej te cilave:

(Nenet dhe Nr. i çështjeve)

Neni	291	137	145	134	180			
Raste	13	17	15	4	3			

- *Ndaj vendimeve të Gjykatës së Apelit ka ushtruar rekurs në Gjykatën e Lartë, 5* rekurse, nga të cilat 5 rekurse për çështje themeli.

NË VEND TË MBYLLJES

Analiza e punës e sipër parashtruar, shërben jo vetëm për t'ju njohur me arritjet e kësaj Prokurorie gjatë vitit 2017 por edhe për t'i shërbyer ushtrimit të ndjekjes penale në vijimësi, ngritjes së akuzave dhe përfaqësimit të çështjeve në Gjykatë. Kjo vjen si pasojë e njohjes me problematikat e një viti të kaluar, në çështjet në gjykim.

Kjo Prokurori është angazhuar vit pas viti për rritjen e rezultateve në punën e saj dhe ka treguar se përkushtimi i gjithë stafit ka qenë serioz. Treguesit e mësipërm pasqyrojnë rezultatet në rritje.

Megjithatë angazhimi vazhdon, duke ushtruar çdo pjestar i kësaj prokurorie, detyrën e tij në përputhje me Kushtetutën, ligjin, në respektim të të drejtave të njeriut.

Duke qenë se një rol të rëndësishëm në ushtrimin e ndjekjes penale e kanë oficerët e policisë gjyqësore kryesisht ata të Drejtorisë dhe Komisariateve, ngelet një mision për t'u vazhduar që të përmbushet bashkëpunimi sa më i frytshëm me ta nga ana e Prokurorive të Rretheve.

Ndër objektivat dhe prioritetet që kërkohet të arrihen nga ana jonë kanë qenë dhe vazhdojnë të mbeten gjykimi i shpejte, efektiv, në garantim të plotë të të drejtave të pjesmarrësve gjatë procesit penal, marrëdhëniet e bashkëpunimit me institucionet e tjera; zhvillimi i një raporti të ndërsjelltë, më të ngushtë mes prokurorisë; marrëdhëniet me autoritetet e drejtësisë së shteteve të tjera (gjë që natyrisht kërkon një ndihmë nga hallka hierarkike më e lartë); përmirësimi i cilësisë së gjykimit, vendimmarrjes dhe rritjes profesionale të mëtejshme të prokurorëve dhe të stafit të saj.

Përfundimisht, duke njohur aftësitë edhe mangësitë tona, duke u përpjekur të përmirësohemi në punën tonë, në respektim të kuadrit ligjor, në bashkëpunim me institucionet e tjera ligjzbatuese, angazhohemi, për ushtrimin e funksionit tonë në mënyrë që gjykimi të jetë sa më i shpejtë dhe efektiv, duke çuar drejt zgjidhjeve të drejta të çështjeve, në respektim të të drejtave të gjithsecilit.

Priroritët është lufta kundër çdo lloj veprë penale, për të vënë para përgjegjësisë autorin, duke marrë dënimin e merituar me vendim të formës së prerë nga ana Gjykatës së Apelit .

DREJTUESI I PROKURORISE

ELVIN GOKAJ